

Brev da las mammas

A las damas ed als signurs dal Cussegl federal

Ils ultims mais è vegnì scrit e discutà bler davart las professiuns relevantas per il sistem. Ina giada dapli è dentant vegnida emblidada la professiun la pli impurtanta: La professiun da la mamma u dal bab tgirant.

Quest temp da corona ha mussà cun tutta clerezza quant impurtanta che la famiglia è. Igl èn surtut las mammas che prestan qua la gronda part da la lavur. Il mintgadi da las mammas consista da tgirar, pertgirar e mantegnair. Quai signifitga che l'esser mamma reunescha bleras diversas professiuns. E durant il temp da corona han las mammas er anc stuì sorprender la scola a chasa. La cella la pli pitschna dal stadi (e cun quai manegiajn nus la mamma, senza mamma nagins uffants, senza uffants nagin stadi!) vegn anc adina negligida en moda nunacceptabla e savens gnanc percepida. Il center da la societad èn las dunnas. Sche las mammas èn fermas e saunas èn er las famiglias fermas e saunas.

Questa situaziun extraordinaria dal coronavirus ha mussà cler e net co che las mammas (resp. ils babs) vegnan laschads sulets. Bleras firmas han retschavì e retschaivan vinavant recumpensas finanzialas dal stadi, il mument vegnan mess a disposiziun blers raps. En nagin mument n'han ins dentant considerà ina recumpensa per la lavur da las mammas che han er anc surpiglià la lezia d'esser mussadra u scolasta. Per las dunnas che s'engaschan en lur famiglias sco manageras, cuschinunzas, nettegiunzas, cussegliastras, tgirunzas etc. na datti nagina recumpensa finanziaria. En l'economia na lavurass nagin senza paja. Questa preschientscha da las mammas che han savens er anc pensums da lavur en l'economia, è propi eroica! Perquai dola questa ignoranza dal stadi e da la societad tant dapli e na po betg pli vegnir acceptada en il temp dad oz.

Igl è nairas uras che questa lavur vegnia percepida! La lavur da las mammas sto vegnir considerata sco relevanta per il sistem. Quai era ella gia adina. Questa prestaziun sto finalmain vegnir respectada – e quai betg cun splattar ils mauns mabain cun ina recumpensa finanziaria dad almain 2000.- CHF* che ston vegnir pajads mintga mais a las mammas (resp. al genitur tgirant).

Ultra da quai essan nus per l'introducziun d'ina protecziun da las mammas d'in onn entir e d'in ulteriur onn da congedi per geniturs che po vegnir repartì tranter ils dus geniturs. Igl è er ura e temp da pajar a tuttas mammas pensiunadas ina AVS cumplaina.

La finamira da questa acziun è ina societad sauna e ferma en la quala las valurs femininas han la piazza ch'ellas meritan e vegnan er renconuschidas.

Cun amiaivels salids,

.....
(suttascripziun)

.....
.....
(spazi per in agen commentar)

* Quai correspunda a la mitad da la paja minimala.